



Bájkkeavijssa NuorttaSálto

Oahpponævo nuorttasámegeiellaj

Girjetjálle Siljábáhkos, Harald O. Lindbach le dá tjavtja almodam guokta ádá oahppogirje – nuorttasámegeiellaj.

Báttátjin væránndábiggimis bæssa bájkkeavijssa girjetjállin ságastit gænna le sijdasj Siljábáhkons Hábmerin. Sån girjijt áhtsá ja subtsán miellusit.

- *Valla man diehti nuorttasámegeiellaj, ja ij julevsámegeiellaj aj?*

- Dav viertti girjealmmudagás gatjádít, javllá sån. Valla sån subtsas miellusit oahppogirjijis majt le tjállám mañemus jagev.

- Le hávsske diededimijt oadtjot dasi majt lev tjállám, javllá Lindbach. Dá bále le joarkka ietjá girjijda ma almoduvvin ávdebut dá jage. Dán girje bajeltjála le "Logan vel eambo", "Låhkát gal buvtáv" Girje le oahppijda nuppát gitta nælját klássajs ja le oahppe giella- ja girjásajvuodagirje låhkámij ja tjállémij sámegeiellaj vuostasjgiellan. Ja dánna le duot dát ássje. Girjen li tjuorggasa ja bágo, oanep tevsta ja subtsasa dálutjis. Subtsasa væráldis ja nuorttarikalasj javllaávvudallamis, subtsasa, fábela, biebbmobagádusá, bagádallama láddekássasnihkumij, dramatiseridum tevsta, gávvrájdo ja dahkamusá.

- Le tjáledum nav lahka sáme árggabæjvváj mij le máhttelis, javllá Lindbach.

Moattebájnuk tjuorggasa

Duodden Lindbachaj li aj ietjá girjetjálle oassálasstám girjijn. Da guokta girje "Logan vel eambo" ja barggogirje li oasse oahppotjoahkkes girjijis "AÁBC" ja "Logan fal" nuppát gitta nælját dássáj.

- Guokta skávllágirje aktan barggogirjij li esski almoduvvam ja Bjørn With le tjuorggam girjijda, sån le aj Siljábáhkons árrum, subtsas Lindbach.

Girjijn li moattebájnuk tjuorggasa ja aj gávvrájdo.

- Le bierik girjealmmudahka gudi jáhkki mån máhtáv dav dahkat, måjot sån. Ja girjealmmudahka le IDUT almmudahka.

- Da jáhkki mån máhtáv, måjudallá sån loabdet. Ep gal huoman dábdá suv loabddásin, valla duodalattjan ja njuolgga.

- Fága tjanáduvvi aktij ja rieknimdahka-musájt ja nágin ieññilsbágo låhkám-girjen gávnna, subtsas Lindbach, guhti álgos sidáj girjev hábbmidit statistihka milta man álu gávnnap juohkka bokstávav sáme bágujn, måjudasstá sån.

- Statistihkalattjat galgajma álgget bokstávajn G. Valla dav ittij girjealmmudahka dáhkida.

Valla sån miejnne le sierralágásj gå li fonetihka birra giehttum dán áldarjuohkusij.

- Fonetihkka giehttu jienadimorgána anatomija ja fisiologija birra, gåktu giellajienajt jienadit, ja dánna bessi oahppe gæhttalit ja guoradallat jienadimev ja gåktu njálmev ja tjáddágav labuda jienadittjat dajt moattelágásj giellajienajt, subtsas sån.

Girje li juo juogeduvvam ja anon oahppijs.

- Jáhkáv ja sávav girje li geldulattja. Girje mañemus bielijn guokta næjtso ságastallaba. Akta nuorttasámegeiellaj ja nubbe julevsámegeiellaj.

- *Le gus máhttelis dát aj sjaddá julevsáme oahpponævvo ja ij dássju nuorttasámegeiellaj?*

- Iv dav sidá. Ihkap gássjelisvuodagráda rievddaduvvá ja ihkap ij hieba dasi. Ij gåjt sjatta njuolgga járggáluvvat, subtsas girjetjálle. Valla Lindbach tjállá ietjá girjijt låhkijda.

- Valla e sjatta ienep oahpponævvogirje, måjot sån sluohkasit.



Tæksta: Kitty Skapalen
Járggálibme: Divte Media / Idar Kintel

Duot dát ássje oahppogirjijn. Harald Lindbach le oahppogirjijt nuorttasámegeiellaj tjállám. Jus báhti oahppogirje julevsámegeiellaj sæmme girjetjálles ij diehttu. Litt av hvert i lærebøkene. Harald Lindbach har skrevet nordsamiske lærebøker. Om det blir lulesamiske lærebøker fra samme forfatteren er usikkert.